

Schreiben Kurfürst Ernst's und Herzog Albrecht's an Rektor und Magister der Universität, einen Rechtsstreit zwischen K. Zcecnaw, Bürger zu Hayn, und Thimo Kitzscher, Mitglied der Universität, betreffend.

Schellenberg, [1475 f]

⁵ Hdschr.: Concept Hauptstaatsarchiv Dresden WA. Univers. Leipzig Bl. 24.

Unßern grus zcu vor. Wirdigen und achtbarn, liben andechtigen. Caspar Zcecnaw unser burger zcum Hayn unde liber getruwer hat uns anbringen lassen, das uch Thymo Kitzscher, uwer universitett glyd, bericht, das er ym etwas schuldig were, das er an ym nicht bekommen mucht, unde an uch gesonnen uwer universitet gericht zcu ge-
 10 bruchen, das ir ym obir uwer vorschrift nicht hott gestatten wollen zc., unde so er dem uweren der pflicht als er an yn fordert nicht gesthee unde wir syner zcuglich unde recht mechtig sind, begern wir von uch mit ernst, ir wollet dem egnanten Thymenten nicht ver-
 hengen noch gestatten den unsern obgnant vor uwer universitett gericht zcu czyhen unde ab er das vorgenommen mit ym schaffen wedder abezustellen; so wollen wir, wo dem
 15 uweren nott syn wurde etwas geyn den genanten Caspar Zcenaw rechtlich zcu fordern, das ym an geborlichen enden rechts genüge gegunst unde verhulffen solle werden, uch hirinne also irzeigen, das der gnant Caspar unsir vorschrift genossen entpfinde. Als wir uns zcu uch versehen unde daruff verlassen. Daran tut ir uns zcu gutem danck.
 Ex Schellenberg.

²⁰ Dem wirdigen unde achtbarn rector unde meistern unsir hoen schulen zcu Lipczk, unsern liben andechtigen.

*Hugolt von Schleinitz Obermarschall und Johannes Scheybe Kanzler beurkunden, daß Gregor Bichaw, Student in Leipzig, und Hans von Polenz zu Golz eine Abrede getroffen haben, wonach sie
 25 ihren Rechtsstreit, welcher von ersterem vor dem Probste zu Leipzig als päpstlichem Richter der Universität angebracht worden, den sächsischen Fürsten zur Entscheidung übertragen wollen.*

Leipzig, 1476 Febr. 21.

Hdschr.: Concept Hauptstaatsarchiv Dresden WA. Univers. Leipzig Bl. 14.

Vormerck das wir nochgeschreiben Hugolt von Slynicz obirmarsschalk unde
 30 Iohannes Scheybe canceller von wegen der durchluchten hochgebornen fursten unde hern, hern Ernsts kurfursten unde hern Albrechts gebruder, herczogen zcu Sachßen, lantgraven in Doringen unde marggraven zcu Missen unsir gnedigen hern, zewisschen Gregorio Bichawen studenten zcu Lipczk eins unde Hannße von Polencz zcur Golczk
 35 Hannßen von Polencz obgnant vor den probst zcu Lipczk als einen bebtlichen richter der universiteten daselbst geczogen unde Hans von Polencz darkegen vorbracht das er vor ym zcu gestehen nicht schuldig were, mancherley ursach halben zcu viln maln in
 schriften unde uff tagen irhört mit beider teil willen unde valbort bereth unde beteidiget